

# فيديو # ٧٨٦ من مقاطع حذر التجول تدبر البقرة حلقة ٨١ الآي

٠٦-٨٥

فاضل سليمان

وعليكم ورحمة الله وبركاته. اهلا بحضراتكم في المقطع رقم ستمية سبعة وتمانين من مقاطع حذر التجول والحلقة السابعة عشر من حلقات تدبر سورة البقرة ارجو من حضراتكم تجميعوا المصاحف. وافتح معي سورة البقرة وابدأ اقرأ معي من الاية ثمانية وخمسين وتسعة وخمسين - [00:00:00](#)

عشان تشوف الجحود اللي بجد بقى مع بني اسرائيل اقرا معي كده ثمانية وخمسين وتسعة وخمسين اعوذ بالله السميع العليم من الشيطان الرجيم واذ قلنا دخول الهاء. واذ قلنا دخول هذه القرية فكلوا منها حيث شئتم رغدا - [00:00:28](#)  
ودخول الباب سجدا وقولوا حطة نغفر لكم خطاياكم وسنزيد المحسنين فبدل الذين ظلموا قولوا غير الذي قيل لهم فانزلنا على الذين ظلموا رجزا من السماء فانزلنا على الذين ظلموا رجزا من السماء بما كانوا يفسقون - [00:00:51](#)  
قبل ما نشوف النعمة دي نعمة رقم ثمانية وهنقى نعدهم في الاخر يعني عايز اقول لكم حكمة من حكم ابن عطاء الله السكندري قال من لم يشكر النعم لقد تعرض لزوالها - [00:01:30](#)

ومن شكرها فقد قيدها بعقالها يعني اللي ما يشكرش النعم بيتعرض لزوال النعم منه. واللي يشكرها اكنه ربطها بالعقال. العقال. العقال ده هو الحبل اللي بيربط الدابة وكان لما يركبوا الدابة ياخذ الحبل ده يلفه ويحطه فوق راسه. عشان كده في الخليج بيتحط حاجة اسمها العقال - [00:01:50](#)

الاصل بتاعه ان ده الحبل اللي بيربط الدابة اسمه العقال. من لم يشكر النعم فقد تعرض لزوالها ومن شكرها فقد قيدها بعقالها. بني اسرائيل واضح ما كانوا يشكروا النعم خالص - [00:02:23](#)

لذلك ازيلت منهم زالت منهم النعم نعمة نعمة في السنة الثانية بعد الخروج من مصر فرض عليهم الجهاد امر الله النبي موسى صلى الله عليه وسلم لان بني اسرائيل يدخلوا فلسطين - [00:02:40](#)

والقصة بتفاصيلها هنتطرق لها في سورة المائدة باذن الله لكنها مذكورة باقتضاب جدا وباختصار جدا في آ آ سورة البقرة زي بقية النعم كل واحدة منهم لها قصة لكنه مذكورين باقتضاب شديد في البقرة لان الهدف مش الدخول في تفاصيل كل قصة. الهدف هو تعديد النعم اظهار - [00:03:01](#)

العدد الكبير من النعم اللي ربنا انعم بها على بني اسرائيل ولم يشكروه هو ده الهدف اقرأ كده معي بقى الاية ثمانية وخمسين واذ قلنا ادخلوا هذه القرية فكلوا منها حيث شئتم رغدا - [00:03:27](#)

ودخلوا الباب سجدا. وقولوا حطة نغفر لكم خطاياكم. وسنزيد المحسنين. سيدنا موسى امر بني اسرائيل يدخلوا قرية من قرى فلسطين ويأكلوا من خيراتها طالما انهم زهقوا من المن والسلو ادخلوا القرية وربنا هينصركم اذا حصل قتال - [00:03:48](#)

ولاختبار طاعتهم الاول امرهم بدخول الباب وفي تفسيرين للباب اما باب القرية او باب القبة اللي بيصلي باتجاهها موسى وبني اسرائيل يعني كان عامل كده زي خيمة كده لها باب آ واطي - [00:04:13](#)

لذلك مش شئ طبيعي ان باب القرية يكون باب واطي يعني الحاجة الثانية حتى عادة كان كلمة باب القرية بيطلق على المدخل بين جبلين مش باب باب باب باب يعني فعلا. واحيانا بعض القرى لها ابواب ولكن ليست - [00:04:33](#)

ابواب العادية بتاعة البيوت يعني. العادات اللي بيدخل منها الجمال فانا ارجح التفسير يكون ده باب القبة او المسجد اللي كانوا بيصلوا باتجاه موسى وبني اسرائيل قال لهم ادخلوا الباب ده ساجدين. هو عايز يختبر - [00:04:47](#)

قاعتهم قبل ما يروح يجاهد بهم مش ضامنهم ادخلوا الباب ده ساجدين يعني في حالة انحناء من التواضع يعني زي ما الرسول عليه الصلاة والسلام كده دخل مكة وهو فاتح دخل ساجد على بعيره حتى كادت رأسه تلمس آآ ظهر البعير - [00:05:07](#)

مش دخول الفاتحين المنتزيرين لا دخل متواضع. فقال لهم ادخلوا بهذا التواضع يعني واطلبوا من ربنا انه يغفر لكم خطاياكم بانكم تقولوا كلمة بسيطة جدا هتقولوا حطة يعني يا رب حط عنا ذنوبنا وحط عنا خطايانا - [00:05:25](#)

ادخلوا الباب ده وانتم ساجدين ومتواضعين وقولوا كلمة بسيطة جدا حطة. ربنا هيغفر لكم خطاياكم وسيزيد نعمه على المحسنين اللي هيطيغوه. هينصرهم فبدل الذين ظلموا قولوا غير الذي قيل لهم - [00:05:51](#)

فانزلنا على الذين ظلموا رجلا من السماء بما كانوا يفسحون. عدد كبير منهم عندا في اوامر الله دخلوا الباب بس مش وهم ساجدين لأ ده العكس قعدوا على مقعدتهم ودخلوا زحف زحفوا - [00:06:16](#)

او دخلوا من غير ما يسجدوا بدلوا ما قيل لهم وبدل ما يقولوا حطة قالوا حنطة. نوع من الحبوب. استهزاء بكلام الله وبوامر الله ده اه دي رواية من روايات القصة. هناك رواية اخرى - [00:06:35](#)

هو ان سيدنا موسى عليه الصلاة والسلام ارسل اتناشر شخص يتجسسوا على العدو ويجوز التجسس على العدو عند الحرب في الحرب بتجوز اشياء لا تجوز في غير الحرب فلما رجعوا - [00:06:56](#)

اخبروه باللي هم شافوه في هذه القرية اتنين منهم كانوا ناس كويسين وعايزين يجاهدوا في سبيل الله منهم هو يوشع ابن نون وده النبي بني اسرائيل اللي هيقود بني اسرائيل للنصر بعد آآ وفاة سيدنا موسى - [00:07:15](#)

ويقال هو الغلام اللي كان مع سيدنا موسى في الرحلة بتاعته لما كان رايح يقابل آآ العبد الصالح اللي هو الخضر فواحد منهم يوشع ابن نون والثاني اسمه كالب ابن بافونة - [00:07:34](#)

الأتنين دول دخلوا القرية لموا ثمار من ثمار القرية وجم يوروها لبني اسرائيل عشان يشجعوهم. وقالوا لهم ان العدو ايوة قوي صحيح لكن ممكن جدا هزيمته اذا شغلنا عقلنا واذا حاربنا ببسالة وبقوة وبشجاعة والكلام ده - [00:07:49](#)

العشرة التانيين جابوا نو وخافوا وناول لهم يقولوا لبني اسرائيل ان الارض لا خصبة ولا حاجة ومش حلوة قوي القرية ومش مستاهلة يحاربوا عشانها ولا بتاع. بالاضافة ان الحصون اللي فيها منيعة جدا ومعظم بني اسرائيل هيموتوا لو حاولوا يفتحوها كانوا - [00:08:06](#)

هيعملوا عملية تردد عند بني اسرائيل. فسيدنا موسى لما قعد مع الاتناشر دول لما رجعوا ولو هيقولوا كده قال لهم لأ ما تقولوش الكلام ده. الكلام ده مش صحيح ويوشع وكالب لهم وجهة نزر افضل. واحنا ده الكلام اللي هيتقال - [00:08:27](#)

لما سيدنا موسى طلب من بني اسرائيل ينصتوا يعني استنصت بني اسرائيل لكلب يعني طلب منهم ينصتوا لكلب خالد ابن بافي ما طلع وقال الكلام اللي هم عايزين يقولوه وطلع العشرة التانيين قالوا لأ الكلام ده مش صحيح وقالوا كلام تاني خالص غير اللي اتفقوا عليه مع سيدنا موسى عشان يكون كلامهم كله موحد وكانوا - [00:08:42](#)

سبب في تخويف بني اسرائيل مما جعلهم يتركوا فريضة الجهاد. فورا حصل ايه بقى ؟ فانزلنا على الذين ظلموا رجلا من السماء بما كانوا يفسقون. اللي ظلموا انفسهم دول سواء بقى - [00:09:05](#)

انعاندوا ودخلوا بمقعدتهم دي رواية. او العشرة اللي آآ اللي اه اه بدلوا الكلام وقالوا كلام مش صحيح نزل عليهم ريدجز من السماء رجز يعني عذاب فيقال نزل عليهم مرض نزل عليهم طاعون. طبعاً زمان كان كل مرض يبجي يتفشى بيسموه طاعون. لكن ممكن يكون بقى احنا النهاردة بقى خلاص بقى بقينا اساتزة بقى في الامراض - [00:09:22](#)

كورونا اوميكرون نزل فيروس معين اصاب الذين ظلموا فقط وقتلهم فورا بسبب ايه ؟ بما كانوا يفسقون بسبب فسقهم وقلنا الفسق هو الخروج من شرع الله والخروج عن اوامر الله - [00:09:51](#)

طبعاً باقي القصة بعد كده بقى ان ربنا كتب عليهم التيه ما هو خلاص ما هو بني اسرائيل رفضوا الجهاد ربنا كتب عليهم انهم يتوهوا في صحراء سيناء اربعين سنة بيلفوا حوالين نفسهم - [00:10:14](#)

مات اسناء التيه سيدنا هارون ومع الوقت على اخر الوقت كده مات سيدنا موسى كمان في التيه ثم مات الجيل الجبان كله وزهر جيل جديد اللي رباها سيدنا موسى تربية ايمانية وكمل تربيتهم يوشع ابن نون وفتح بهم فلسطين - [00:10:26](#)

فلسطين للمسلمين على مر التاريخ هي حق للمسلمين واتكلمنا في الموضوع قبل كده في سورة الاسراء على مر التاريخ لنا ارض مباركة لا تحق الا للمؤمنين بالله اخونا شعبان اثار نقطة مهمة جدا - [00:10:50](#)

انا قعدت افكر فيها طول الليل اين ذكر الشيطان ليه ربنا لم يذكر الشيطان نهائياً؟ هنا الحقيقة انا في التدبير بيستوقفني صياغة الايات لقيت ان في شبه بينها وبين آيات قصة ادم - [00:11:11](#)

ركز كده معي واذا قلنا واذا قلنا ادخلوا هذه القرية ثانية واحدة كده اجيبها لكم واذا قلنا ادخلوا هذه القرية فكلوا منها حيث شئتم رغدا. سمعتم الصيغة دي قبل كده - [00:11:34](#)

واذا قلنا ادخلوا هذه القرية الجنة تكون منها حيث شئتم رغدا. احنا سمعنا الكلام ده في قصة ادم وقلنا يا ادم اسكن انت وزوجك الجنة وكلا منها رغدا حيث شئتما - [00:12:00](#)

نعم ربنا الكثيرة تزول بكفرها وعدم شكرها. في حالة ادم وحواء حصل ايه لما كفروا النعمة ما هو ربنا امرهم بامر. اداهم النعم دي كلها وقال لهم ما تاكلوش من الشجرة دي بس. يعني الحرام عندهم بدل ما يبقى - [00:12:21](#)

قيمة طويلة كده لأ حاجة واحدة بس حرام ما قدروش عليها حصل ايه فازلها الشيطان عنها فاخرجها مما كانا فيه. قلنا اللي ما يشكرش النعم بيتعرض لزوالها الشيطان وسوس لهم - [00:12:42](#)

عصوا ربنا تركوا امره زالت النعمة. في حالة بني اسرائيل مين اللي وسوس شياطين الانس وسوسوا لبني اسرائيل بمعصية الله ومعصية الرسول. وانتهى الامر بهم انهم فقدوا النعمة. اذا الشيطان - [00:13:02](#)

لم يظهر في معظم قصص بني اسرائيل لان الشيطان عادة يفسر عندنا بشيطان الجن وكثير من معاصينا يا جماعة سببها وسوسة شياطين الانس مش الجن شياطين الانس اللي بيتكلموا وبنسمع لهم - [00:13:22](#)

زي العشرة اللي عصوا سيدنا موسى وسمعوا لهم بني اسرائيل فتركوا فريضة الجهاد ومعزم معزم بلاوي بني اسرائيل واخطائهم بسبب سماعهم للشياطين شياطين الانس سنة في البقرة وردت آآ واذا خلوا الى شياطينهم قالوا انا معكم - [00:13:42](#)

يعني المنافقين لما بيبقوا مع الشياطين يعني مع احبار اليهود بيقولوا لهم احنا معكم انتم حينما نحن مستهزئون ده احنا بنقول للمؤمنين احنا مؤمنين استهزاء بهم لكن اذا معظم بلاويهم بسبب انهم سمعوا لاحبارهم - [00:14:10](#)

اخبرهم يعني الشيوخ بتوعهم. انا باقول لكم ما تسمعوش الشيوخ لكن خلي عندك عقل شف انت بتسمع لمين. ما بتسمعش لاي حد المسألة وصلت لمراحل ان اي حد يقدر يعمل فيديو بيعمله ويبقى شيخ ويبسمع له ويبقى حتى لو قال كلام مجانيين - [00:14:28](#)

في ناس بتطلع تلوث العقول تطلع تلوث العقول فيديوهات على يوتيوب بتلوث العقول فيسبوك بتلوث العقول طيب مش بس وسوسة الشيطان لذللك انا انا بصراحة السؤال اللي سأله شعبان امبارح وخلاني طول الليل عمال افكر فيه فعلا الشيطان مش مذكور خالص - [00:14:49](#)

مقصودة عشان الناس مش كل حاجة ترميها على ابليس لا. في في شياطين انس اخطر الف مرة رمضان ما رمضان مليون معاصي. طب ما هو الشياطين مسلسلة. هلاً. اللي مسلسل دا شياطين الجن - [00:15:11](#)

لكن من شياطين الانس شياطين الانس بتستعد لرمضان من دلوقتي نعمة اخرى بقى تعال نشوفها. ربنا ذكرها. ربنا ذكر بها بني اسرائيل بصوا معي في الاية ستين واذا استسقى موسى لقومه فقلنا اضرب بعصاك الحجر فانفجرت منه اثنتا عشرة عينا. قد علم كل - [00:15:27](#)

كل اناس مشربهم كلوا واشربوا من رزق الله ولا تعثوا في الارض مفسدين لما خرجوا من مصر اول ما خرجوا ما فيش ثاني شهر قبل

ما يوصلوا سيناء خلي بالك النعم دي مش بالتسلسل بتاعها. ما هياش بالترتيب التاريخي - [00:15:51](#)

لما خرجوا من مصر قبل ما يوصلوا سيناء طبقا للتوراة قبل ما يوصلوا سيناء مشيووا شوية في الصحراء الماء اللي معهم بدأ ينفذ بدأوا يعطشوا كانوا بيشربووا نفسهم وكمان بيطبخوا بالمية دي اللي معهم اللي شاييلينها. وبيشربووا المعيز بتاعتهم. وكان معهم اغنام.

هم اصلا كانوا فترة لغاية ما ربنا انزل المن والسلوى كانوا - [00:16:15](#)

على اللبن بتاع الاغنام فراحوا لسيدنا موسى لما بدأوا يعطشوا وتذمروا عليه اللولو اتصدنا من مصر اتصدنا من انت بتطلعنا من

مصر لنموت واولادنا ومواشيننا عطشا. هو طلعتكم غصب عنكم. اده انتم كنتم مستعبدين - [00:16:39](#)

وبعدين ما فيش اي احترام لانبيأؤهم بيشفوا الطريقة بيتكلموا بها. يعني الصحابة طلبوا من النبي عليه الصلاة والسلام انه يدعو الله

انه ينزل المطر بس. طلبه بادب يعني اعرابي اعرابي راح للنبي قال له ايه؟ هلك الزرع والضرع - [00:17:09](#)

ادعو لنا الله ان يسقينا ده اعرابي اعرابي يعني مش حد مسقف ولا متعلم ومعروفين حتى الاعراب احينهم بالجفاف كده في الكلام.

بص بيطلب ازاي هلك الزرع والضرع فادعوا الله ان يسقينا - [00:17:25](#)

ادم موجود عند الناس بني اسرائيل راحوا وطلبوا بمنتهى قلة الادب. ان سيدنا موسى يحل لهم المشكلة فسيدنا موسى استسقى الالية

ما بتقولشي استسقى الله واذا استسقى موسى لقومه. لان استسقى يعني استسقى الله لا احد لا احد يملك نزول المطر الا الله -

[00:17:43](#)

واذا استسقى موسى لقومه فقل نضرب بعصاك الحجر. اه العصاية زهرت تاني ايه يبقى معروف طبعاً اي عصاية. العصا بتاعة سيدنا

موسى دي اصلا عصايته هو. دا ربنا مش منزلها من السما - [00:18:08](#)

دي العصا اللي ربنا سأله وما تلك بيمينك يا موسى؟ واياه اللي في ايدك دي؟ العصاية بتاعته طول عمره قال هي عصايا اتوكأ عليها

واهش بها على غنمي ولي فيها منافع اخرى. فربنا ورها له بقى. العصاية دي عملت ثلاث معجزات - [00:18:27](#)

كبيرة جدا اول معجزة تحولت الى افعى حقيقية اكلت العصي والحبال بتاعة الصحرا عشان كده الصحراء امنوا عرفوا ان اللي عمله

ده مش سحر السحر بيسحر اعين الناس فيتخيل لهم اشياء مش حقيقية - [00:18:44](#)

لكن ده مش سحر ده العصايا فعلا تحولت الى ثعبان الحاجة الثانية العصا دي شقة البحرين الصيني الحاجة الثالثة العصا دي فجرت

الماء من الحجر فقل نضرب بعصاك الحجر فانفجرت منه اثنتا عشرة عينا - [00:19:02](#)

ازاي يعني؟ يعني السيد موسى يضرب حجر ينفجر ينفجر منه اتناشر عين! لأ مش حجر واحد الحجر هنا مش حجر معين. اضرب

بعصاك الحجر يعني الحجارة. جنس الحجارة اضرب اي حجر انت تختاره - [00:19:23](#)

ده معناها الحجر اي حجر وهيخرج منه الماية فسيدنا موسى مم. اختار اتناشر حجر بعاد عن بعض وضرب هنا وضرب هنا وضرب

هنا انفجر اتناشر عين ماء الاتناشر عشان بني اسرائيل اتناشر سبط - [00:19:42](#)

اللي هم اولاد سيدنا يعقوب. لما تناسلوا نسل كل واحد منهم اصبح سبت بقى اسمهم الاسباط اليهود ما يقولوش القبائل عندهم اسمها

الاسباط كل سيدنا موسى فجر عين ماء لكل سبط - [00:20:04](#)

المنطقة دي خارج مدينة السويس بحوالي ثلاثين كيلو وتعرف بعيون موسى. فيها اتناشر واحة. كل واحة فيها عين ماء يقال هي دي

المنطقة وطبقاً ده ده يوافق الكمال الموجود في التوراة فعلاً - [00:20:24](#)

الوصف المنطقة في التوراة سؤال بقى ربنا اذا اراد شيئاً يكفي ان يقول له كن فيكون ليه امر موسى يضرب بعصاه الحجر يعني؟ وهو

الذي يستطيع اخراج الماء دون كل ذلك - [00:20:38](#)

ده سؤال من الاسئلة المهمة جدا نسالها بنفسنا ربنا اراد انه يجعل نظام الكون ما هواش جلا جلا زي نزام السحرة كده. اللي هو جلا جلا

يزهر المش عارف ايه. لا - [00:20:59](#)

نزام الكون اللي ربنا خلقه قائم على ربط المسببات بالاسباب عاوز تنجح لازم تذاكر عاوز تكسب المال لازم تشتغل. عاوز ماء وما فيش

ماء ربنا جعل موسى يعمل عمل معين حتى لو العمل ده مش الطبيعي بتاعه انه يؤدي الى خروج ماء. لكن لازم يعمل حاجة -

وهو انه يضرب بعصاه الحجر وربنا بعد كده هيبارك ويطلع الماء. لكن مش بص اهو الماية طلعت اهي لأ السيدة مريم عاوزه تمر عاوزه تاكلي عاوزه تشربي تعبانة بعد الولادة - [00:21:41](#)

هزي بجذع النخلة ربنا قال لها وهزي اليك بجذع النخلة تساقط عليك رطباً جنياً معقول بنت صغيرة عندها اتناشر سنة ولسه والدة هتهز نخلة ده عشر رجالة ما يقدروش يهزوا نخلة - [00:21:56](#)

الناس بس اللي عارف فاكرين النخلة دي كانت بتميل كده لأ عشر رجالة ما قدروش يهزوا النخلة لكن ربنا اراد انه يبقى النظام في الدنيا ان كل شيه كل نتيجة تترتب على عمل - [00:22:15](#)

حتى لو العمل ده لا يؤدي الى هذه النتيجة. في الطبيعي ربنا بيتدخل يبارك فيؤدي العمل الى نتيجة. لكن ما فيش نتيجة هتيجي هنا فجأة ده نزام الكون ودي المعاني المهمة جدا اللي احنا نفكر فيها لان هو الدال المعاني اللي بتفهمنا ربنا خلق الدنيا دي بيسيرها ازاى -

00:22:31

يلا بقى ستين تاني كده واذا استسقى موسى لقومه فقل نضرب بعصاك الحجر فانفجرت منه اثنتا عشرة عينا قد علم كل اناس مشربهم كل سبط عرفوا العين بتاعتهم لا يشتروا منها - [00:22:56](#)

كلوا واشربوا من رزق الله ولا تعثوا في الارض مفسدين كثير مننا بيشعروا بالغيظ الحقيقية. من كتر الفرص اللي اخدوها بني اسرائيل عمال يجي لي مسجات منكم ممكن نفهم هو ليه ربنا مديهم الفرص دي كلها - [00:23:15](#)

يعني يعني واضح جدا حضرتك ان هم ما يستاهلوش مين فيكم شايف كده ان انا بصراحة متغاض. شايف نفسه متغاض من كتر الفرص اللي خدوها. وهم لم يشكروا النعم وما يستهلوهاش - [00:23:34](#)

لو انت شايف كده اسأل نفسك انت نزلت لنفسك الاول؟ عديت نعم ربنا عليك هل شاعر انك انت بتشكر النعم بتاعة ربنا عليك كفاية قبل ما تنزل للتقصير الناس انزل لتقصيرك انت - [00:23:52](#)

احنا اصلنا يا جماعة اتعودنا نقرا قصص بني اسرائيل ونضحك عليهم ونعيب عليهم وربنا قال ايه بقى؟ مثل الذين حملوا التوراة ثم لم يحملوها كمثل الحمار يحمل اسفارا. ونضحك لو انت فاهم الاية بتقول ايه - [00:24:09](#)

اللعيبة بتكلمك انت الاية دي معناها ان مثل الذين حملوا القرآن ثم لم يحملوه كمثل ايه؟ غزلان يعني حمير برضه الله كل قصص بني اسرائيل نازلة لنا احنا لتحذرننا احنا. الله - [00:24:30](#)

هم وكل اليهم حمل لواء دعوة الاسلام ثم سحب منهم هذا العهد لما كفروا بانعم بانعم الله بنعمة ربنا ولم يشكروا نعمة ربنا. الكلام ده لازم تقراه وتتهز من جواك وتخاف. مش تضحك عليهم - [00:24:49](#)

اليهود على فكرة لم يكفروا بوجود الله. ولم يكفروا بنبوة موسى. اليهود كفروا النعمة والمسلمين دلوقتي ايه نظامهم بقى ان شاء الله الحمد لله مؤمنين بالله. مؤمنين بنبوة محمد عليه الصلاة والسلام. لكن هل احنا بنشكر نعمة ربنا - [00:25:07](#)

هو ده السؤال اللي كل واحد لازم يسأله لنفسه انت بتقرا القرآن عشان يربيك ويغيرك انت مش تقرا قصص ناس قل لي القصص دي عبرة. عبرة لنا احنا ولو المسلمين كفروا النعمة لن يجدوا الا نفس المصير. لذلك كل هذا القصص لنا احنا عشان ناخذ منه العبارة. لكن

ان شاء الله ان شاء الله - [00:25:25](#)

ظل هذه الامة هي الامة التي تحمل لواء الاسلام لوجود حاجتين. هم دول الحاجتين دول اللي بيضمنوا ذلك. القرآن والسنة القرآن والسنة عشان الناس اللي بتستهين بقدر السنة بدون السنة - [00:25:49](#)

ما تعرفش تعبد ربنا ولا عبادة من العبادات انت هتعرف تعبدها بدون السنة عشان تبقى عارف نتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك - [00:26:10](#)

اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا ومن الماء البارد على الظمأ - [00:26:28](#)

اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك انبيائك ورسلك وعبادك الصالحين. اللهم احببى قلوبنا بحبك واجعلنا لك كما تحب. اللهم اجعل نحبك بكل قلوبنا ونرضيك بكل اجسادنا. اللهم اجعل حبا كله لك وسعينا كله في مرضاتك - [00:26:45](#)

اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا. اللهم فاطر السماء - [00:27:16](#)

السموات والارض عالم الغايب والشهادة انت تحكم بين عبادك فيما كانوا فيه يختلفون فبحق كل حرف في كتابك او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم. ونجعل - [00:27:35](#)

اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وكن معي اخواننا في تركستان الشرقية وفي الشام وفي كشميرا وفي الهند وفي سريلانكا. وانصر كل من نصرهم واخذل كل من خذلهم. وطهر - [00:27:55](#)

الاقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا مريض - [00:28:22](#)

به او حاملا له فالبسبه ثوب الصحة والعافية عاجلا غير اجل. ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك - [00:28:36](#)

وتعاهدت على نصره شريعتك. فوثق اللهم رابطتها وادي مدها واهدها سبلها واملأها بنورك الذي لا يخبو واشرح صدورها بفيض الايمان بك وجميل التوكل عليك واحيها يا رب ربنا بمعرفتك يا مولانا على الشهادة في سبيلك. انك نعم المولى ونعم النصير. وصلي اللهم وسلم على سيدنا - [00:29:00](#)

محمد وعلى اله وصحبه ومن تبع هداه. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:29:25](#)